

## **Մարզպետ Յամբարձում Մաթևոսյանի շնորհավորանքի խոսքը Գիտելիքի, գրի ու դպրության օրվա կապակցությամբ**

01.09.2021

Սիրելի մանկավարժներ, աշակերտներ, կրթության համակարգի նվիրյալներ, Շնորհավորում եմ բոլորիդ Գիտելիքի, գրի ու դպրության օրվա կապակցությամբ՝ ցանկանալով ուսումնառության նկատմամբ մեծ հետաքրքրությամբ ու ձեռքբերումներով լի ուսումնական տարի:

Առանձնահատուկ շնորհավորում եմ առաջին դասարանցիներին, ովքեր քայլ են անում դեպի նոր կյանք՝ լի բազմաթիվ անհայտներով: Անհայտներ, որոնք կհաղթահարվեն մեր սիրելի ուսուցիչների նվիրական աշխատանքի և, իհարկե, ծնողների հետևողականության շնորհիվ:

Իսկ ուսանողներին՝ հատկապես առաջին կուրսեցիներին, մաղթում եմ նպատակասլացություն և դժվարությունները հաղթահարելու կարողություն: Չէ որ Ձեր լավ մասնագետ լինելով է պայմանավորված մեր երկրի կայուն առաջընթացի ապահովումը:

Համոզված եմ, որ ձեռքբերվող գիտելիքները, հայեցի կրթությունն ու ազգային արժեքների ոգով դաստիարակությունը կնպաստեն սեփական ունակությունների և կարողությունների լիարժեք դրսևորմանը:

Մեկ անգամ ևս շնորհավորում եմ բոլորիս նոր ուսումնական տարվա մեկնարկի առթիվ՝ մաղթելով քաջառողջություն և նպատակներին հասնելու մեծ ձգտում: Աստված պահապան բոլորիս: